

Gàlàtiyà ǒ pbàkrístò tò Pòlò andí bhàrɔwà Yàrí bhàrɔwà ǒ ì nòtù ádròdrò dhu tí dhu

Yàrí bhàrɔwà nandí ní Pòlò, Yèsù Krístò bhà uvitatále. Kǎndí ka ìfò kumì dòná àrù nà ato mà ìmbò kumì dòná àrùbhù nà ato mà nà nzínzì ǒ, ndí Yèsù ka kùgù dhu-dzidǒ.

Kǎndí ka Gàlàtiyà tó pbìrì ǒ pbàkrístò tò, kà-tì ní kà randí ka Àtiyòkiyà mà, Dèrbè mà, Ìkòniyò mà, Lístrà mà nà tó kigò ǒ pbàkrístò tò (Kas 13.13-14.26).

Gàlàtiyà tó pbìrì ǒ Kànísá ǒ, atdídhená Pbhàràhúdì nòowúnà dhu òvò rǒ 'àti, dhu rākă kifɔ Músà bhà Ʋyátá, ròsè dòtsí ní, ale-ònzǎnga òbhòlò ka kí dhu, ndíní Kàgàwà a'ù tí ìndrǔ pbìndà ale nyú tí. Ní, Pòlò andí yàrí bhàrɔwà, ndòvò dhu ònà ìndrǔ tò ndàtì ìnzǎ rǎrǎ Músà bhà Ʋyátá mà, ale-ònzǎnga òbhòlò ka kí dhu mà nà dhu ndí ìndrǔ àbhɔ rādù Kàgàwà rǎ'ù pbìndà ale nyú tí, pbétù Kàgàwà bhà ale tí ka kóko dhu nídè dòná atdí dhu rǎrǎ Yèsù Krístò ná'ù ka kí dhu kèlè.

Bhàrɔwà-nyàtì ka kóhù tí dhu

- Pòlò rǎ Gàlàtiyà ǒ pbàkrístò nòvì dhu (1.1-5).
- Krístò bhà Ídzì Mākǎrè arí'ì atdí tí dhu (1.6-10).
- Pòlò bhà ádràngbǎnga uvitatále tírò (1.11-2.21).

- Dhu àkǎ tí kifū Ƴyátá, ndirò tí ki'ì a'uta nà dhu (3.1-4.31).
- MùKřístò řǐ'ì dòná ndìtírò dhu (5.1-26).
- Ìndrű àkǎ 'ònzì dzùnàya nzínziya ǒ dhu (6.1-10).
- Bhàrűwà řiku dòná rò dhu t'óvota mà, ovita màná (6.11-18).

Polò řǐ Gàlàtiyà ǒ pbàkrístò nóvi dhu

(Róm 1.1-2)

¹ Yàrí bhàrűwà nàndǐ ale ní ima Polò, Yèsù bhà uvitatále. Ìnzǐ ní ìndrű ndi ma nóvò mí'ì uvitatále tí, ndirò ìnzǐ ní atdí ale-otù ǒ nga mà ndi ka kóvò ma nǐ. Pbétù, ima nóvò ní Yèsù Křístò mà Àba Kàgàwà yà ka nabhù rìngbè ndi ɔvebvù rò màná. ² Ndirò, yà atdíkpá mà mí'ì màná kóró àlě t'ádóna màná, mà màndǐ ndi bhàrűwà fűkù Gàlàtiyà tó pbìrì ǒ kànísá tírò. ³ Àlě t'Ábanà Kàgàwà mà, àlě tó Ádrùngbǎle Yèsù Křístò màná náká 'àso nyǐ, 'àdù nyǎbhű nyòkò màrùngà ǒ afíku ò. ⁴ Ndi Ádrùngbǎle Yèsù Křístò níipfo ndi ndìtírò àlě tó nzérenga-okú dò rò, ndínǐ ndi ndűwù tí àlě yà kòmbí arí'ì nzére adzi tó obi ǒ rò, yà àlě t'Ábanà Kàgàwà nyú náazè ka dhu bhěyi. ⁵ Ilèta àkǎ àlě ràbhű Kàgàwà tò dhòdhòdhóngà nà! Àmìnà.

Křístò bhà Ídzì Màkűrű arí'ì atdí tí dhu

(Gàl 3.1-5; 4.9-20; 5.1-12)

⁶ Idhò ùko ma atdíđǒ, nyǐ nyúgèrè nyǐ kòmbómbí tí nyűbhà yà nyǐ nanzi Křístò bhà ídzìnga-otù ǒ Kàgàwà, nyǎdù Ídzì Màkűrű tí nyǐ nyátina vurò ɔte-owù núngu dhu-okú dò rò.

⁷ Obhó tí, vurò Ídzì Mākūrù rǐ mbǎ, pbétù dūkù nínza atdídhéná ale rǐ'ì inè. Í ale ní yà ì nózè 'ùgèrè Krístò bhà Ídzì Mākūrù ale. ⁸ Pbétù, dhu apé ì'ì mǎ'ì mà, ndirò òrù-akpà ǒ màlàyikà mà rúnona fūkù Ídzì Mākūrù rǐ'ì inzá ndì nòfò yà fūkù mǎ múnò Ídzì Mākūrù nà dhu tí, ní ndì mākūrù nùnò fūkù ale ní iwà ndì nòfù ale! ⁹ Mǎ mǒvò wà wò dhu fūkù angyi, ní ima, ma mí kǎdǔ mǒvò tdítǔ fūkù, mati: ndì ale rapé inzá ndì nòfò yà tsùkǎ nyǐ nyírì Ídzì Mākūrù nà ɔte núnɔ fūkù, ní ndì ale ní iwà ndì nòfù ale!

¹⁰ Nírò kòmbí, wò dhu bhèyi ma mǒvò dhu dhu nítè tí dhu ma mónena dhu rǎrǐ ìndrǔ ròzù ma àkáká ale tí, ndirò ngátsi nǐ, Kàgàwà ròzù ndì ma àkáká ale tí dhu? Ndirò ngátsi nǐ, ma mónena dhu tí ìndrǔ-idhè àbhǔ ma mí rìkǎ ndì dhu? Ma mí'íná gukyè àdì ma màdì ìndrǔ-idhè àbhǔ ma mí rìkǎ ndì dhu òne ma mí ró dhu tí, ní ma màmbènà mbǎ ì'ì Krístò bhà inɔ-akpà tí.

Polò rǐ Kàgàwà avò ndì tí ndì'ì uvitatále tí dhu àwě dhu

¹¹ Àbanǎzó, ma mòzè nyǎni dhu ní, yà ma mǒvò fūkù Ídzì Mākūrù rǐ'ì nǐ ìndrǔ ítǔ mākūrù. ¹² Ma mírì nzá ka ìndrǔ-tsù, ndirò ka núdhe idù ní nǐ ìndrǔ, pbétù Yèsù Krístò ní ndì ka navò idù.

¹³ Obhó tí, nyǐ nyírì wà angyinǎ rò yà Pbàyàhúdì tó dǐnì ò ma mí'ì òná kàsùmì ǒ, pbàkà mǔtso ì'ì tí dhu. Nyǐ nyǎni wà Kàgàwà bhà Kànìsà rǔ ma mavù atdíǔ tí dhu, ndirò ma manzì obi atdíǔ ndǐnǐ ma mugolo tí ka dhu.

¹⁴ Íma nyú, ma màmbènà àrà dǔ angyi tí mbèyi

màtí atdíídǒ Pbhàhúdí tó dǐnǐ ǒ, ròsè kóró ábhǒ ngǔkpà ale yà tǐkàdǒ nzínzǐ ǒ rǐ'ì mǒzódú tǐ dǒnǎ. Ma madzì ma atdíídǒ mongò abhúdu tó màndu ìfù.

¹⁵ Pbhétù, pbìndà ídzìngà ǒ, Kàgàwà náapì ma fǐndà inzà ka kàpè mǔgǔ rórò, ndàdù manzì kàsǔna tò. ¹⁶ Ndirò, kǐtè Idhùnà idù, ndínǐ ma mǒvǒ tǐ dǒnà màkǔrù ìnzǐ ní Pbhàhúdí tò. Ní ma manzì nzà sedzà tǐ rǐ'ì dhu atdí ale-fó màtí, ¹⁷ Ndirò, ma marà nzà Yèrùsàlemà ndínǐ mà mala tǐ mà uvitatále tǐ ì'ì angyinǎ rò idù ale nà màtí, pbétù ma madù àrà Pbhàarabhù tó pbìrì ǒ. Wò dhu-dzidǒ ma madù madu tdítǒ Dàmàsìkì tó kigò ǒ.

¹⁸ Ìbhù atǒ níitdègu ùda wò dhu-dzidǒ, ní ma madù àrà Yèrùsàlemà tó kigò ǒ, ndínǐ mà mǔnǐ tǐ mà Péterù nà. Ní ima, ma madù àdi kà-tǐ atdí kumì dǒnà imbò nà idhǒ tǐ. ¹⁹ Ma mala nzà vurò ale mà uvitatále nzínzǐ ǒ, pbétù ma mala ní Yàkòbhò, Ádrùngbǎle Yèsù t'ádòná kèlě. ²⁰ Kàgàwà-ònzǐ ma màtina, wò fǔkù ma màndí dhu ǒ, ma mǔnò nzà tìtò.

²¹ Wò dhu-dzidǒ, ma madù àrà Sìriyà mà Kìlìkiyà mànà tó pbìrì tó mǔlengù ǒ. ²² Ì idhǒ ǒ, Yùdeyà tó pbìrì ǒ Krístò bhà kànísá ní'ì inzà ì 'àpè ima mà núnǐ ró, ²³ pbétù abádhí ì'ì yàrí ǒyì kèlě níri ì í ró: «Yà angyì úbhì àvu rǒ àlě-rǒ ale, rǐ'ì yà ndì ndúbhì ùgolonà rǒ a'uta tó màkǔrù ùnǒ ndì ndí kòmbí ró.» ²⁴ Ní abádhí adù òko 'àmbe Kàgàwà ilè dǒ okúdu dò rò.

2

Pòlò rǐ ngǔkpà uvitatále mànà ì iri ì tǐ dhu àwě

dhu

(Kas 15.1-29)

1 Wò dhu-dzidõ, atdí kumì dòná ìfo nà atõ níitdègu ùda, ní mǎ madù mǎdu tdítdõ Yèrùsàlemà tó kigò ò atdíkpá Bàrnabà mànà. Mǎ madù Titò nídyì átò mǒwù mànà atdíkpá. 2 Ma marà ányì yà Kàgàwà návi ka mǒnzì dhu bhěyi. Ní, ma mawε yà ìnzì ní Pbàyàhúdì tò ma múnò Ídzi Màkürù pbàkrístò tò. Ndirò, Kànìsà ùnda arí ádròdrò ale mànà mǎ mǎndu mǎ òká rò, ma madù kawe átò abádhí tò, akyε yà angyi ma mǒnzì pbàkà kasu mà, yà kòmbí ma mǒnzina mànà ní'ina kòkórò dhu tí nǎ. 3 Ndirò, yà atdíkpá mǎ mǒwù mànà Titò ka kutu nzá ràbhε onzíná nga kòbhòlò, àzembè inè kà rǎ'ì Mùgìrikì tí rórò. 4 Pbétù, tìtò tó atdídhená òdhíka náazè 'òbhòlò kònzǐnga. I ale ní'ì òdhǔ ò ì núngbò mǎ mànà ale. Abádhí níitsu abhábhò bhěyi nzinzika ò, ndínǎ ì ùni tí mǎ maróko tí, mǎ'ì dòká mǎ-tírò Yèsù Krístò-nyutsì dhu. Abádhí azè 'ùli mǎ Músà bhà Ʋyátá tó ino tí. 5 Pbétù, mǎ ma'u nzá mífù abádhí rǔnɔna dhu akekpá mǎtí, ndínǎ Ídzi Màkürù tó obhóna náadì tí fǔkù.

6 Pbétù, Kànìsà ùnda arí ale tí ka kózùna ale ní'ì inè átò. Abádhí í'ì nà ádrùngbǎnga náandà nzá nga ma nà, Kàgàwà arí nzì ìndrù-ònga òvò nídhunǎ. Kòkò i ale núutε nzá ma mǒnzì dhu-owútá. 7 Pbétù, abádhí náala dhu, Kàgàwà ríbhò wà ìnzì ní Pbàyàhúdì tò ma mí Ídzi Màkürù núnɔ dhu tó kasu fudú, àdhàdhì yà ndì ndabhù Pbàyàhúdì tò ka kí ndi Ídzi Màkürù núnɔ dhu-kàsǔ Péterù-fó dhu bhěyi. 8 Obhó tí,

Péterù-nyutsì nǎ rò kasu nanzì rì'ì uvitatále tí Pbàyàhúdí tò Kàgàwà ní ndi nyudutsì nǎ rò kasu nanzì átò, mi'ì uvitatále tí ìnzì ní Pbàyàhúdí tò. ⁹ Nírò ní ndi Yàkòbhò, Péterù ndirò Yùwanì, yà kànìsà ǒ ingu tí ka kazù mà, náala Kàgàwà nítè pbìndà ídzìnga idù dhu, 'àdù ɔtsúka núlu Bàrnabà mànà, ì mànà mǎ mùngbò mǎ dhu nitè tí, ndíní mǎ mowu tí Ídzì Màkürù ùnò ìnzì ní Pbàyàhúdí tò, abádhí ràdù òwu kùnò Pbàyàhúdí tò. ¹⁰ Pbétù, abádhí adù ònzìnà fóká atdí dhu ní, Yèrùsàlemà tó kigò ǒ arí'ì pbàkrístò nzínzì ǒ nǎkùtále ìrè mǎ mí dhu kèlě. Ní ma madù ndi dhu ònzì atdí afídu nyú nà.

Polò rǎ Péterù dǒ ndì ndórù tí Àtiyòkiyà tó kigò ǒ dhu nǎwě dhu
(Kas 9.1-20,23-30; 22.3-16; 26.9-20)

¹¹ Péterù itdègu àrà àhù Àtiyòkiyà tó kigò ò, ní ma marù àbadhi-dǒ ábhǒ ale-ònzì rò, kǎnzì dhu ní'ì nzì ídzì dhu dhu-okú dò rò. ¹² Obhó tí, Péterù mà náavù 'òngò dhu ònyù atdíkpá ìnzì ní Pbàyàhúdí mànà. Ní Yàkòbhò avi atdídhená ale ròwù ùvò Àtiyòkiyà. Pbétù, ì ale níitdègu òwu ùvò ányì, ní Péterù adù ndìndà, ndàdù atdíkpá ì óngo ònyù ònyù ìnzì ní Pbàyàhúdí mànà dhu ùbhà, ale-ònzìnga òbholò ka kí dhu ùtǔ arí ale-ɔdò ònzì ndì ndí dhu-okú dò rò. ¹³ Ndirò, Yèsù ná'ù ngǔkpà Pbàyàhúdí náapè 'ònzì dhu ɔyɔyɔ idàya nà Péterù bhěyi. Ndirò, Bàrnabà mà náangbò ndì abádhí mànà ndi abádhí tó ɔyɔyɔ ale-idà tó ɔfò ǒ. ¹⁴ Pbétù, ma mala dhu abádhí ràrǐ nzì ùbhi yà Ídzì Màkürù tó obhónga ózè kubhi dhu bhěyi. Ní ma madù dhu òvò

Péterù tò kóró ale-ònzǐ rò, mati: «Dhu apé ì'ì inyi Màyàhudì tírò, nyi nyarí nyonzi ìnzǐ ní Màyàhudì bhěyi, ìnzǐ nyifɛ Pbàyàhúdí tó màndu dhu tí, ní íngbà dhu bhěyi dhu nyi nyádù ìnzǐ ní Pbàyàhúdí ùtu, rífɛ Pbàyàhúdí tó màndu nǐ?»

Inzǐ ní Pbàyàhúdí rǔgɛ Yěsù ì à'ù dhu-otù ǒ dhu

¹⁵ Mǎ, mǎ'i ní ùgɛ tí ka kúgù mǎ'i Pbàyàhúdí tí ale. Mǎ'i ní nzǐ ìnzǐ ní Pbàyàhúdí, kǒkò inzǎ Kàgàwà bhà Ʋyátá núnì nzérenгатále. ¹⁶ Pbé̀tù má múnì dhu ní, ìndrǔ òzù ka kí nzǐ àdù obhónángatále tí Kàgàwà-ònzǐ Ʋyátá t'ífuta-otù ǒ, pbé̀tù Yěsù Krístò ka kà'ù dhu-otù ǒ tí. Mǎ'i átò má má'ù Yěsù Krístò, ndínǐ ka kozú tí má obhónángatále tí Àbadhi má mà'ù dhu-otù ǒ, ìnzǐ ní Ʋyátá t'ífuta-otù ǒ. Obhó tí, obhónángatále tí ka kózùna Ʋyátá t'ífuta-otù ǒ atdí ale ma rǐ'ì mbǎ. ¹⁷ Pbé̀tù, àlě kí dhu òne ndínǐ ka kozú tí àlě obhónángatále tí Krístò-nyutsì. Ní dhu apé ì'ì ka kàla àlě'i nzérenгатále tí dhu tí, ní wò dhu ìtè tí dhu Krístò rǎrì àlě núnà nzérenга t'ónzita ò? Inzǐ, akekpá màtí! ¹⁸ Obhó tí, dhu apé ì'ì ma mósìna tdítǒ dhu rǐ'ì yà iwà ma múgolo dhu tí, ní ma mòngò wà matírò Ʋyátá nùkò ale tí. ¹⁹ Obhó tí, Ʋyátá nàndà dhu nǐ, ima, ma mòvè nǐ ove ní ndi Ʋyátá kèlě ìbhò idù, ndínǐ ma mí'i tí ípìrǒngà nà Kàgàwà tò. Mǎ ka kutó wà mùsàlabhà dǒ atdíkpá Krístò mànà. ²⁰ Ndirò kòmbí, ma mí'ì ípìrǒngà nà, pbé̀tù ìnzǐ ní ima ndi ípìrǒngà nà ma mí'ì, Krístò ní ndi nyudutsì rǐ'ì ípìrǒngà nà. Obhó tí, yà kòmbí ma mí'ì nà ale-ngbò tó ípìrǒngà nà ma mí'ì

Kàgàwà t'Ídhùnà ma má'ù dhu-otù ǒ. Kǎzè ma, ndàdù p̀b̀ìndà ìp̀ìr̀ǒngà àd̀zi okúdu d̀ò r̀ò. ²¹Ima, ma màsà wà Kàgàwà bhà ídzìngà òdho ma mí dhu. P̀b̀étù, dhu apé ì'ì inè abádhí r̀í'ì kòzù ì obhónángatále tí Kàgàwà-ònzì Ʋyátá t'ífuta-otù ǒ dhu tí, nírò Krístò avè kòkórò nga dǒ.

3

*Dhu àkǎ tí kifù Ʋyátá, ndirò tí kǐ'ì a'uta nà
(Ɛfe 1.9-10; Kòl 1.24-29; 1Pé 1.10-12)*

¹ Ɔò nyí Gàlàtiyà tó p̀b̀ìr̀ì ǒ bhǎ, nyí ní mbǎ d̀òya-òngà nà ale! Ádhi p̀b̀á ale ndi nyí nówè, ndàbhù nyí nyũwǐ, àzèmbè iwà ka kitè Yěsù Krístò ka kùtǒ mùsàlabhà dǒ dhu kpanjanga fùkù r̀órò? ² Ní, ma mòzè nyǎdu atdí dhu kèlé idù: Nyí nyáko tí Kàgàwà bhà Ʋlǎ-Ʋlafí, Ʋyátá nyí nyífu dhu-okú d̀ò r̀ò, ndirò ngǎtsi nǐ, nyí nyáko tí ka Íd̀zi M̀àk̀ǔr̀ù nyí nyírì, nyǎdù à'ùnà dhu-okú d̀ò r̀ò? ³ Ʋngbà dhu bhěyi dhu, nyí nyí'ì mbǎ d̀òya-òngà nà ale tí wò dhu bhěyi nǐ? Kàgàwà bhà Ʋlǎ-Ʋlafí tó ɔbì nǐ nyí nyópè dhu, ní nyí nyòzè tí nyǎbhù r̀àkǎ kòmbí ɔbìkù nǐ? ⁴ Nyí nyúdà òyá dhu kóró ní'ì tí kòkórò nga tó? Obhó nyú, ka ní'ì nzì kòkórò nga tó dhu. ⁵ Kàgàwà nírǎ tí nyí p̀b̀ìndà Ʋlǎ-Ʋlafí nǐ, ndàdù wíwí ònzì nzínzìkù ǒ Ʋyátá nyí nyífu dhu-okú d̀ò r̀ò, ndirò ngǎtsi nǐ, kǐrǎ tí nyí Íd̀zi M̀àk̀ǔr̀ù nyí nyírì, nyǎdù à'ùnà dhu-okú d̀ò r̀ò?

⁶ Ní ndi dhu bhěyi tí, Àbràhamù náa'ù Kàgàwà, ndi dhu ràdù ndàbhù Kàgàwà r̀òzù ndì,

obhónángatále tí*. ⁷ Nírò, nyĩ nyàkă nyũni dhu ní: obhó nyú, Àbràhamù bhà pbàdzukuru tí rí'ì ale rărĩ Kàgàwà nà'ù ale. ⁸ Hlĩlă Andítá náavò wà dhu angyangyi, ndàti: Kàgàwà rozúya ìnzĩ ní Pbàyàhúdí obhónángatále tí, fiyó a'uta-okú dò rò. Obhó tí, Kàgàwà náavò yàrí Ídzì Mākũrù wemberè tí Àbràhamù tò, ndàti: «Nyũnũtsì nă rò Kàgàwà náasoya kóró pbìrì ǒ ale*.» ⁹ Ní, Kàgàwà náasoya ndì nà'ù ale kóró àdhàdhì ndì ndaso Àbràhamù, a'utatále dhu bhěyi.

¹⁰ Pbétù, kòkò ì nípbì Ùyátá t'ífuta rǒ ale, nófù wà ì kóró. Obhó tí, Hlĩlă Andítá rătina: «Ìnzĩ rĩ yàrí Ùyátá tó bhũkù ò ka kándĩ kóró dhu ìfũ ale nófù wà ndì*.» ¹¹ Ndirò, k pangba rĩ'ì dhu ní, Ùyátá-otù ǒ, ka kózùna obhónángatále tí Kàgàwà-ònzĩ atdí ale mà rĩ'ì mbă. Obhó tí, obhónángatále náabáya ípìrǒnga pbìndà a'uta-otù ǒ*. ¹² Ndirò, Ùyátá náhu nzá a'uta-nyũtsì rò, pbétù Ùyátá ìfũ rí ale bhà ípìrǒnga ní'iya ndì Ùyátá-otù ǒ*.

¹³ Yà ndì ndùgèrè ndì, ndòngò ofúngá tí àlě tó ngari ǒ dhu-otù ǒ, Krístò nuuwù àlě'ì Ùyátá bhà ofúngá ǒ rò. Obhó tí, Hlĩlă Andítá rătina: ìndrũ òho ka kapé, kadù abvòna ùto mùsàlabhà dǒ, ní ndì ale rĩ'ì Kàgàwà bhà ofúngá ǒ*. ¹⁴ Ndi dhu anzi ndì wò dhu bhěyi, ndínì yà Kàgàwà akò fíndá làkà Àbràhamù tò asota nabhù tí ràrà àhu ìnzĩ ní Pbàyàhúdí dò Yèsù Krístò-otù ǒ. Ndirò,

* **3:6** 3.6 Opt 15.6 * **3:8** 3.8 Opt 12.3 * **3:10** 3.10 Tòr 27.26

* **3:11** 3.11 Hàb 2.4 * **3:12** 3.12 Law 18.5 * **3:13** 3.13 Tòr 21.23

ndi dhu anzi ndi, ndini àlě'i kóró àlě kabá tí yà Kàgàwà akò fíndá làká Ìlǎ-Àlafí a'uta-otù ǒ.

*Ʋyátá rǐ nzǐ àdù Kàgàwà òkò làká núkò dhu
(Mík 7.20; Róm 4.13-17; 10.4-13; Èfè 3.6)*

¹⁵ Àbanǐnzó, ma mí yà dhu-tì àwě fǔkù ìndrǔ tó ófò ǒ: ìndrǔ apé afína ò dhu àndí angyangyi yà ka nyú àkǎ ndi'ì dhu bhěyi, ní ndi andítá ùkò rǐ ale rǐ'ì mbǎ, ndirò kà dǒ rí ngǎtsi dhu isě ale rǐ'ì mbǎ. ¹⁶ Nírò, Kàgàwà náakò làká Àbràhamù mà pbìndà mùdzukuru màná tò. Ìlǎ-Àndítá àti nzá: «pbìndà pbàdzukuru tò», àdhàdhì ábhǒ ale tò Kà rǐ kònzì dhu bhěyi. Pbétù, kàti: «pbùkù mùdzukuru tò». Kà-tì ní: atdí ale tò tí, ndi ale ní Krístò. ¹⁷ Yàrí ní ndi ma mòzè màno dhu: Kàgàwà núno wà afína ò dhu angyangyi Àbràhamù tò, yà ndi dhu àkǎnà ndi'ì dhu bhěyi, Músà bhà Ʋyátá ràdù nditò ifo miyà dónà ìbhu kumì nà atò-dzidǒ olù nǎ rò. Ní ndi Ʋyátá rǐ nzǐ àdù Kàgàwà no dhu ùkò, ndirò kà rǐ nzǐ àdù Kàgàwà bhà làká núkò. ¹⁸ Obhó tí, dhu apé ì'ì Kàgàwà bhà dhu-tsí-kàmǎ tí ka kóko dhu rǎhu Músà bhà Ʋyátá-nyutsinǎ rò dhu tí, ní kà rǐ nzǐ àdù àhu tdítǒ làká-nyutsinǎ rò. Pbétù, làká-otù ǒ, Kàgàwà itè wà pbìndà ídzìngà Àbràhamù tò.

¹⁹ Nírò, Ʋyátá-kàsǔ ní'ì àdhu? Ka kisé ka olù nǎ rò ndini ìndrǔ tó afátá nitè tí, ràrà àhu yà Kàgàwà akò fíndá làká Àbràhamù bhà mùdzukuru rǐrà àhu dhu ò. Málàyíká náavò ndi Ʋyátá ìndrǔ tò, yà ìndrǔ nzínzì ǒ idè ì màná Músà-otù ǒ. ²⁰ Ìndrǔ nzínzì ǒ ríde ale-atdyú nà

ka ka rí'ì óyǒ rò rí'ì ale tò. Pbétù, Àbràhamù tò ndì ndí làkà òkò rò, Kàgàwà i'ì atdíró tí.

Hyátá-kàsǔ tí i'ì dhu

²¹ Nírò, wò dhu tí àtina, Músà bhà Hyátá ràkò nzá ndì Kàgàwà bhà làkà nà? Ìnzǐ, akεkpá màtí! Ípìrǒnga ìbho rí ìndrǔ tò Hyátá ka kíbhòyana gukyè, ní ìndrǔ ka kózùyana òzù obhónángatále tí Kàgàwà-ònzǐ Hyátá-otù ǒ. ²² Pbétù, Ìlǐǎ Andítá rǎtina, kóró ale rǎrǐ'ì nzérénga bhà obi-tsi nǎ, ndínǐ yà Kàgàwà akò làkà náaká tí pbàkrístò tò, Yèsù Krístò i ale ná'ù dhu-okú dò rò.

²³ Ìnzá Yèsù à'u ka kí dhu tó kàsùmì nápè àkǎ rò, mǎ'ì ní'ì Hyátá útsì ale, mǎmbe inga òdò dǒ, rǎrà àhɛ Kàgàwà rǐ ndí a'uta àbhǔ mǎ rùnì dhu ò. ²⁴ Ndi dhu bhéyi ní ndi, Hyátá i'ì àdhàdhì dòkǎ-nga àndà rǐ ale bhéyi, rǎrà àhɛ Krístò rǐrà àhɛ dhu ò, ndínǐ Kàgàwà ózú tí mǎ obhónángatále tí a'uta-otù ǒ. ²⁵ Pbétù, ròpè ndì a'uta írà àhɛ dhu ò rò, mǎ mí'ì mbǎ tdítǒ wò ndì àlè-dǒnga àndà rǐ ale bhà obi-tsi nǎ.

²⁶ Obhó tí, nyǐ kóró nyǐ ní Kàgàwà bhà inzo, Yèsù Krístò nyǐ nyà'ù dhu-otù ǒ. ²⁷ Nyǐ kóró, yà nyǐ nyúngbò nyǐ Yèsù Krístò mànà, bàtizò nyǐ nyálǔ dhu-otù ǒ rò, nyǐ nyófò wà nyǐ Krístò nǎ. ²⁸ Dhèdhèrò nga rǐ mbǎ i'ì tdítǒ Pbàyàhúdì mà nzínzì ǒ ìnzǐ ní Pbàyàhúdì mànà, ino mà nzínzì ǒ dòyá arí'ì ìtírò ale mànà, kpabhále mà nzínzì ǒ vèbhále mànà. Obhó tí nyǐ kóró, nyǐ ní atdí ale Yèsù Krístò-nyutsi. ²⁹ Nyǐ nyapé i'ì Krístò bhà ale tí, ní nyǐ ní Àbràhamù bhà pbàdzakuru, ndirò

nyĩ ní yà Kàgàwà akò fíndá làká Àbràhamù tò ndì ndábhùna dhu tí kóró dhu-tsí-kàmă.

4

*Kàgàwà bhà inzo ní nzĩ Uyátá tó ino
(Ròm 8.14-17)*

¹ Nírò, ma mátina yà dhu bhěyi: ingba, yà àbanà bhà dhu-tsí-kàmă tí àkànà ndàdi, náapé ì'ì àdì ndì ndàdì ngbàngba tí ró, ní bhà ófò mà núdà nzá ì ino bhà ófò nà, àzèmbè inè ndì ndí'ì dhu-kàmă tí rórò. ² Ndi kàsùmì ǒ, àbadhi rĩ'ì yà kivi arí ndàdù kàbhà dhu-tsí òdò ale bhà ádrùngbànga-tsină, rərə àhù kà t'ábanà udhè kàsùmì araya àkă dhu ò. ³ Ní àlě'ì nyú mà átò, àlě k'ì'ì nzónzo bhěyi angyi, àlě ní'ì yà adzi dǒ obi nà dhu-tsí tó ino. ⁴ Pbétù, Kàgàwà udhè kàsùmì níitdègu àkă, ní Kivi Idhùnà: tsìbhále ugu ka, ràdù àdi ndòngò òvi Músà bhà Uyátá-tsină, ⁵ ndínì ndì nduwè tí ndi Uyátá-tsină aróko ale, ndirò ndínì mǎ mí'ì tí Kàgàwà bhà inzo nyú tí.

⁶ Nyĩ ní Kàgàwà bhà inzo nyú. Ndi dhu itè rí dhu ní, Kivi Idhùnà bhà Alafí rìrà àdi àlě-afí ò. Ndi Alafí ní ndì rí àlě àbhù àlě ràti: Àba! Àbadu! ⁷ Nírò, ìngbàtí ìli ndì ale mà nzínzìku ǒ ní nzĩ ino tdítò, pbétù ka ní Kàgàwà bhà ingba, ndirò Kàbhà ingba tí nyi nyí'ì dhu bhěyi, Kàbhùya pbìndà inzo tò ndì ndaródona dhu-tsí átò indù.

*Polò bhà irèta Gàlàtiyà ǒ Kànísá ǒ bhà dǒ
(Gàl 3.1-4; 5.1-12)*

8 Angyinã rò nyĩ nyuni nzá Kàgàwà, ní nyĩ ní'ì tító tó mǎngǎ-nzo tó ino. 9 Pbétù, kòmbí nyĩ nyuni wà Kàgàwà, ndirò ngãtsi nĩ, Kàgàwà ùni wà nyĩ. Nírò, íngbà dhu bhěyi dhu, nyĩ nyádù nyádu tdítđ, kǎkò ìmbă ar'ì obi nà, ndirò àkyăkyè dhu-tsí-ti'ò nĩ? Nyĩ nyòzè tí nyòkò i dhu-tsí tó ino tí tdítđ? 10 Nyĩ nyózè nyăbhũ ifuta atdíđ atdíđhená idho mà, àbĩ mà, kàsùmì mà ato mà nà tò. 11 Obhó tí, ma mí odo ònzi, akye dhu arana ì'ì kòkórò ma mí kasu ònzi okúkũ dò rò dhu tí nĩ!

12 Àbanĩnzó, ma mǐtdè nyĩ ìtdè tí, dhu àkă nyǒngò dhu ònzi yà ma marí dhu ònzi dhu bhěyi, àdhàdhì ma marí dhu ònzi wò nyĩ nyarí dhu ònzi dhu bhěyi òná ófò ǒ. Nyĩ, nyĩ nyónzi nzá atdí nzére dhu-tidò mà rùdú. 13 Nyĩ nyuni wà yà wemberè tí ma muno Ídzi Màkũrù fùkù òná kàsùmì ǒ, ma mi'ì andi nà dhu. 14 Nyĩ nyí'iyana ìnè nyónzi itsìdu, ngãtsi nĩ minze rùkú, yà ma mi'ì nà andi-okú dò rò. Pbétù, nyĩ nyónzi nzá itsìdu, ndirò ma minze nzá rùkú rò. Pbétù, nyĩ nyádù mako àdhàdhì nyĩ nyàmbènà Kàgàwà bhà màlàyikà mà nákò, ndirò ngãtsi nĩ, nyĩ nyàmbènà Yèsù Krístò nyú ndítirò nákò dhu bhěyi! 15 Nírò, angyè fùkú dhèdhe nyú nàrà àdhà? Obhó tí, ma mà'ù wà dhu: nyĩ rózeyana gukyè nyűwà nyìkpóku mà, nyádù ùbhonà perè tí idù, ní nyĩ nyúwà yana ùwa! 16 Ní kòmbí ma màgèrè tí ima, mongò fùkú òmvũ tí, yà obhó dhu ma mòvò fùkú dhu-okú dò rò?

17 Kòrí ale ápbă afiya rùkú, pbétù abádhí tó irèta r'ì mbă mběyi. Abádhí ózè dhu ní, 'ìndà

nyĩ rùdú rò, ndínĩ nyĩ nyongó tí àdù afíkũ àpba ròyá tí. ¹⁸ Ídzì dhu tí rádù ì'ì dhu ní, ale-afí àpba ka kí ídzì dhu t'ónzita rǒ bìlínghànà dhu, ìnzì ní yà atdíkpá àlě kí'ì nyĩ mànà òná kàsùmì ǒ tí. ¹⁹ Phànǎnzó, ma mí àpbe àbà okúkũ dò rò tǒtǒ, àdhàdhì ndùgũ rí tsibhále náarí àpbe àbà dhu bhěyi, rǎrà àhũ Krístò rǎrà ngari àbà afíkũ ò dhu ò. ²⁰ Ma mambènà òzèna dhu ní, mi'ì atdíkpá nyĩ mànà kòmbí, madù òte nyĩ mànà vurò tǔdú na. Obhó tí, ma mènì nzá àdhu mà ònzì ma mádù okúkũ dò rò dhu.

*Hàgarì mà Sàrà nà rǐtèna óyǒ ungbòta-tidò
(Opt 21.1-12; Ebr 12.18-24)*

²¹ Nyèncò pé dhu idù, nyĩ yà Músà bhà Hyátá-tsìnà nyĩ nyóze nyòkò rò, nyĩ nyírì tí inzá ndi Hyátá arúnona dhu? ²² Ka kándí dhu, kati: Àbràhamù ì'ì kpabhínzo nà oyo. Atdí ingba nugu kà tò ní'ì kabhà ino-ayi, Hagarì, ndirò ngàtsi ingba nugu kà tò ní'ì Sàrà, yà ìnzì ní ino-ayi. ²³ Wò ndi ino-ayi bhà ingba ka kugu àdhàdhì kóró ngǔkpà ale nugu ka karí dhu bhěyi, pbétù wò ìnzì ní ino-ayi bhà-tsí ka kugu àdhàdhì yà Kàgàwà anzì làká-otù ǒ. ²⁴ Wòrì dhu-tì rǐ'ì inè: kǒkò óyǒ vèbhále nítè dhu ní óyǒ ungbòta-tidò. Wemberè tó ungbòta, yà Sinayi tó pbìrì dǒ rò ndi nanzì, nítè ní Hagarì. Ndi ungbòta-nyutsi rò arúvò nzónzo ní ino. ²⁵ Ndirò Hagarì ní Sinayi tí kátina Pbàarabhù-bvǔ pbìrì. Ndirò, kòfò ndi yà kòmbí arí'ì Yèrüsàlemà tó kigò, yà ino tí arí'ì pbìndà inzo mànà nà. ²⁶ Pbétù, yà òrù-akpà ò

arí'ì Yèrùsàlemà tó kigò rí'ì dòná ndítírò, ndírò ka ní ndi àlě tsánà. ²⁷ Obhó tí, Ìlílǎ Andítá rătina: «Ábhǔ idhènu rika ndì, inyi ìngò-ayi, ìnzì nyi nyarí nyugu rò, óvì dhèdhe tó ikǔ, inyi, inzá nyi nyapèna uguta tó àpbè inè rò.

Obhó tí, yà kpatsìbhále ubhà tsìbhále, ní'íya inzo nà abho nyú, ròsè yà kpatsìbhále nà arí'ì tsìbhále dònǎ*!»

²⁸ Nyí mà àbanǎnzó, nyí ní yà Kàgàwà bhà làkà-otù ǒ ka kugu inzo, àdhàdhì Ìsakà ka kugu dhu bhěyi. ²⁹ Pbétù angyi, yà kóró ngǔkpà ale núgu ka karí dhu bhěyi ka kugu ngbángba náavù yà Kàgàwà bhà Ìlílǎ-Alafí bhà ɔbi ní ka kugu ngbángba-ró. Ndirò ndi dhu rí'ì inè ndi ndí ndònzì ndi dhu bhěyi tí kòmbí mətí ró. ³⁰ Ní, Ìlílǎ Andítá rí àdhu ùno? Kà rătina: «Ódì wò ino-ayi mà idhùnà mànà. Obhó tí, ino-ayi t'ídhùnà mà rí nzì àdù òko àbayà bhà dhu-tsí-kamǎ tí atdíkpá, yà ìnzì ní ino-ayi t'ídhùnà mànà*.» ³¹ Ní ndi dhu bhěyi tí àbanǎnzó, àlě ní nzì ino-ayi bhà inzo, pbétù àlě ní yà ìnzì ní ino-ayi bhà inzo.

5

Krístò-nyutsi indrǔ rí'ì dòná ndítírò dhu
(Gàl 2.3-5; 3.1-7,12)

¹ Krístò núuwù àlě ino-kàsǔ ǒ rò, ndínì àlě kí'ì tí àlě dǒ àlětírò dòtsí. Nírò, nyìkò dòtsí. Àpé nyàbhù nyí kitsu nyí tdítǒ ino-kàsǔ tó kòmà ò. ² Nyìrì dhu! Ìma Pòlò ma mòzè mənò dhu

* **4:27** 4.27 Ìsa 54.1 * **4:30** 4.30 Ɔpt 21.10

fùkù mati, nyĩ nyapé nyöze kòbhòlò onzìkú nga, ndíní Kàgàwà a'ú tí nyĩ, ní Krístò anzì fùkù dhu rí'ì mbǎ atdí mùgàsù nà matí. ³ Ima, ma mí dhu ùno tdítdǒ kpangba: ìngbàtí ìli ndì ale mà náapé ndòze ndàbhù onzìná nga kòbhòlò, nákǎ ndìfu Ùyátá kóró. ⁴ Nyĩ nyapé nyöze kòzù nyĩ obhónángatále tí Kàgàwà-ònzì Ùyátá t'ífuta-otù ǒ, ní nyĩ nyìndà wà nyĩ itse Krístò rǒ rò, nyǎdù Kàgàwà àmbènà ònzìna fùkù ídzìnga ìwi. ⁵ Pbétù mǎ'í na, mǎ módona atdyúka nyú nà dhu ní, Kàgàwà nòzúya mǎ obhónángatále tí a'uta-otù ǒ dhu. Ndi dhu ní ndi mǎ módona Hìlǎ-Alafí bhà ádrùngbǎnga tó ǒbi nǐ. ⁶ Obhó tí, Yèsù Krístò mànà ì nùngbò ale tò, ale-ònzìnga òbhòlo ka kí dhu mà, ndirò ìnzì ka kí kòbhòlo dhu mànà nónzì nzá atdí dhu mà. Àkǎkǎ dhu ní, ka'ù Yèsù Krístò, kadù ndi a'uta nítè ale òzè ka kí dhu-otù ǒ.

⁷ Nyĩ, nyĩ nyí'ì mběyi nyú nyĩ nyówu angyi fùkù a'uta ǒ ró! Ní, ádhi ndi tsùku nútò ìnzì nyìfu obhó dhu? ⁸ Wò tsùku ùtò rí dhu nírà nzá yà nyúnzi rí Kàgàwà bhà rò. ⁹ Ákě afí-ngba náarí ndi ábhǒ idyi nyú nábhǔ ràmǒ. ¹⁰ Pbétù, Ádrùngbǎle Yèsù àbhù ma mí'ì a'uta nà ùkù: nyĩ nyí nǐ vurò dhu ìrè yà ma mírèna dhu rǒ rò. Pbétù, wò nzìnzìku ǒnga òngbò arí ale dǒ Kàgàwà rí pé anya òtdì, ìmbǎ í'ina àdhi pbá ale matí.

¹¹ Pbàkà ǒ àbanǐnzó, dhu apé ì'ì inè ma marí'ì dhu òvo ma marí ìndrú tò, ale-ònzìnga òbhòlo ka kí dhu dǒ dhu tí, ní ádhu-okú dò rò nga ndi ka kádù òko kambe àvu dǒ rùdú nǐ? Ndi dhu bhěyi kè'ì rò, atdí ale mà rí'ì mbǎ ì'ì, yà Yèsù Krístò

ka kutó m̀̀sàlabhà d̀̀ dhu r̀̀d̀̀d̀̀ òbh̀̀nà r̀̀òts̀̀s̀̀ ònzéringa ò. ¹² Ɔ k̀̀k̀̀k̀̀ ònzínzìk̀̀ òngà òngb̀̀ ò arí ale, nákanà '̀̀t̀̀ ò k̀̀pab̀̀hále-òb̀̀ì* r̀̀òyá r̀̀ò.

¹³ Obhó tí àbanĩnzó, Kàgàwà núunzi nyĩ, ndínĩ nyĩ nyoko tí d̀̀k̀̀k̀̀ nyĩ-tírò. Nírò, nyĩ nyàkã nzá nyĩdyi wò d̀̀k̀̀k̀̀ nyĩ nyarí'̀̀ ò nyĩ-tírò dhu, r̀̀ì'̀̀ rusà ùfà r̀̀í f̀̀k̀̀k̀̀, nyònzì yà ngb̀̀k̀̀k̀ r̀̀í atdyúya òho dhu dhu tí. Pbétù nyĩ nyàkã nyòwù dz̀̀nàk̀̀k̀ ònzì r̀̀ò ònzínzìk̀̀ ò àzè ò. ¹⁴ Obhó tí, Músà bhà kóró Ɔyátá ka káandu yàrí atdí Ɔyátá ò. Ndi Ɔyátá r̀̀tina: «Nyì nyàkã nyozè òdh̀̀ǹ̀ yà nyì nyú nyì nyóze nyì nyì-tírò dhu bhěyi.» ¹⁵ Pbétù, dhu apé ò'̀̀ nyĩ nyarí nyàkã, nyàd̀̀ òmb̀̀e nyà'̀̀ ò d̀̀ òr̀̀ ò òzà bhěyi dhu tí, ní nyàndà nga mběyi, ònzì nyòtdí tí tsèk̀̀k̀ ònzínzìk̀̀ ò.

Ɔl̀̀l̀̀-Alafí nákã ndi ndàndà òndr̀̀ dhu

¹⁶ Nírò, ma mí dhu ùnò f̀̀k̀̀k̀̀, mati: nyĩ nyàkã nyùbhà Kàgàwà bhà Ɔl̀̀l̀̀-Alafí r̀̀ndà nyĩ. Ndi dhu bhěyi ní ndi, nyĩ nyí nzì àd̀̀ yà ngb̀̀k̀̀k̀ r̀̀í atdyúya òho dhu àbh̀̀k̀̀ r̀̀ndà nyĩ. ¹⁷ Obhó tí, ale-ngb̀̀k̀̀ r̀̀í atdyúya òho dhu mà náarí '̀̀gò Ɔl̀̀l̀̀-Alafí r̀̀í atdyúya òho dhu nà. Ndirò, Ɔl̀̀l̀̀-Alafí r̀̀í atdyúya òho dhu mà náarí '̀̀gò ale-ngb̀̀k̀̀ r̀̀í atdyúya òho dhu nà. K̀̀k̀̀k̀̀r̀̀í óyò dhu náarí '̀̀gò, ndi dhu r̀̀d̀̀d̀̀ nyàbh̀̀k̀̀ ònzì nyònzì yà nyì nyòze nyònzì dhu. ¹⁸ Pbétù, dhu apé ò'̀̀ Ɔl̀̀l̀̀-Alafí arí nyànda dhu tí, ní nyĩ nyí nzì àd̀̀ òko t̀̀d̀̀t̀̀d̀̀ Ɔyátá-tsinà.

¹⁹ Ale-ngb̀̀k̀̀ aràbh̀̀na kònzì dhu ǹ̀ǹì wà ò k̀̀pangba. Ɔ dhu ní: m̀̀nyòǹ̀, Kàgàwà-nyìk̀̀pò

* **5:12** 5.12 K̀̀pab̀̀hále-òb̀̀ì òto ka kí dhu-tì ní: ale-om̀̀-k̀̀pò nútá ka kí dhu.

ǒ ka kótì dhu, ale-ngbò rǐ atdyúna òho dhu rǐ ale ùnda dhu, ²⁰ sànamù-ònzǐ ka kí ale ùkǒ dhu, adhi òwè ka kí dhu, òmvũ tí ka kóko dhu, anya t'ónzita, adha tó ale-afí, akótá, agòta, ìndrũ-ǒnga rǐ ndùndo dhu, ale-tì t'áfàta, ²¹ ngǎtsi ale-fó rǐ ì dhu-atdyú t'óhota, iwa òri ka kí dhu, ònyè ònyè ka kí ɔbìna ròsè dhu, ndirò ngǔkpà dhu-tsí kòrí dhu nà ì nófò mànà. Ní, ma mí dhu òvo fǔkù tdítǒ òdhàdhì yà angyi ma móvò ka dhu bhèyi mati, kòrí dhu ònzi arí ale, náabáya nzǐ ngari òrù-akpà ǒ Ádrùngbǎ kamà Kàgàwà bhà Idzi ǒ.

²² Pbétù, Hǐlǎ-Alafí arí ì'òna itse ní: àzè, dhèdhe, màràngà, dhu-dzi t'òndùta, ídzìnga, ìndrũ dzùnà t'ónzita, ìndrũ rǐ ì a'uta nà ale ò dhu, ²³ ìyònga, ìnzǐ ka kí ale ìtsù akye atdí dhu ò dhu. Músà bhà Ʋyátá násà nzá kǒkò dhu! ²⁴ Ní, Krístò Yèsù bhà ale nútò wà fiyó ale-ngbò tó ófò mà, yà ì nɔtsi kóró nzére dhu-atdyú t'óhota tó imbi mànà mùsàlabhà dǒ. ²⁵ Ní, dhu apé ì'ì Hǐlǎ-Alafí bhà ɔbi nǐ àlě karóko dhu tí, ní àlě kàkǎ àlě rùbhi átò Hǐlǎ-Alafí rǐ àlě ùnda òná otu ǒ. ²⁶ Àlě kàkǎ nzá àlě ròyò àlě, àlě kàkǎ nzá àlě rònzi àlě rùsǎ, ndirò àlě kàkǎ nzá àlě rònzi àlě-adhà.

6

*Ìndrũ àkǎ 'ònzì dzùnàya nzínziya ǒ dhu
(Ròm 12.1-11; 2Kò 9.6; Èbr 6.10-12)*

¹ Àbanǎzó, dhu apé ì'ì atdí ale nábà ndì atdí afátá nà dhu tí, ní nyǐ, yà Kàgàwà bhà Hǐlǎ-Alafí arí nyànda rò, nyǐ nyàkǎ nyádu ndi ale ídzi otu ǒ yorowà tó afíku nà. Ndirò, nyǐ nyàkǎ nyòdò nyǐ nyǐ-tírò, akye nyǐ nyadàna òtsù átò pfòmvo

rǐ afíkũ ùmvũ dhu ò nǐ. ² Nyòngò dzùnàkũ ònzì nzínzìkũ ǒ, nyǎnò fùkú ànò. Ndi dhu bhěyi ní ndi, nyǐ nyádù Krístò bhà Ʋyátá nífu. ³ Atdí ale mà náapé ndòzù ndìtírò dhu tí, àzembè mbǎ ndì ndí'ì dhu tí rórò, ní ndi ale ní ndìtírò rí ndùtrǎ ale. ⁴ Ìngbàtí ìli ndì ale mà náká ndàndà kàsũna ndìtírò. Ndirò, kǎpé ì'ì idhèna rǐ ndìká okúna dò rò dhu nà, ní kǎ-dhè àká ndìka ndì kàsũna-bvũ nyú rǒ, ìnzǐ ní ndùdhe ndì ngǎtsi ale rǒ. ⁵ Obhó tí, ìngbàtí ìli ndì ale mà náánóya p̀b̀indà ànò ndìtírò.

⁶ Ídzì Mǎkũrù ka kùdhe f̀indà ale náká ndàrà ndì ndòngyè kóró p̀b̀indà ongyéngá-ǒnga ùndò rǒ yà ndi dhu nùdhe f̀indà ale mànà.

⁷ Ìnzǐ nyàtrǎ nyǐ nyǐ-tírò: Ìnzǐ Kàgàwà arí ndùbha kíkpa ndì nà! Yà ndì ndòzòna dhu-tidò ní ndi ndi ale adùya ògùnà inga ǒ rò. ⁸ Ngbǒna ózè dhu tó ófò ǒ rí dhu òzò ale nóoguya ní ndi ale-ngbò tó ófò ǒ ndì ndí'ǒ itse: ndi itse ní ɔve. P̀b̀étù, Ìlǐlǎ-Alafí ózè ka dhu bhěyi rí dhu òzò ale nóoguya ní ndi Ìlǐlǎ-Alafí rǐ'ǒna itse: ndi itse ní dhòdhódhóngà tó ípìrǒnga. ⁹ Àpé k̀ingyě àlě idzìnga t'ónzita nǐ. Obhó tí, kàsũmì rǎká nínganí, àlě koguya àlě tó itse ìnzá àlǎfí ìngyě ndì kasũ rǒrò nǐ. ¹⁰ Nírò, òko àlě kòko kàsũmì nà ró, dhu àká àlě r̀onzi ìdzìnga kóró ale t̀ò. Ròsè dòtsí, àlě kàká àlě r̀onzi ka a'uta ǒ arí'ì àlě t'ádona t̀ò.

Bhàrwà r̀iku d̀oná rò dhu t'óvota mà, ovita mànà
(Fìl 3.2-11)

¹¹ Nyàndà pé ìngbà dhu bhěyi màtí ma màndí bhàrwà ɔtsúdu nyú nǐ f̀ùkù, ádròdrǒ nyìkpóya

nà andítá nyú nǐ dhu! ¹² Kóró kòrí ale, kǒkò nyǔtǔ arí kòbhòlò onzìkú nga ale, ní i ì nózè 'itè ì ale-ngbò tó ófò ǒ rí ndònzì dhu ǒ ale. Pbétù, abádhí arí dhu ònzì ndi dhu bhěyi tí, ndínǐ ìnzǐ ka kavù tí ròyá Krístò bhà m̀s̀alabhà-okú dò rò. ¹³ I ale, kǒkò onzìyá nga ka kòbhòlò ale, náarí nzǐ M̀s̀a bhà Ƴyátá nífù ì nyú tírò. Pbétù abádhí ózè dhu ní, kòbhòlò onzìkú nga, ndínǐ ì ambè tí 'òyò dǒ, ì rǎrǐ ndi ì útù nyǐ nyǐ'ì wò ndi ize nà r̀kú. ¹⁴ Ní, imá na ní ndi, ma m̀zè nzá midzǐ ma, ìnzá ní àlě tó Ádr̀ngbǎle Yèsù Krístò bhà m̀s̀alabhà-okú dò rò tí ma m̀dzǐ ma rò. Obhó tí, wò ndi m̀s̀alabhà-otù ǒ ní ndi, ma m̀zè yà adzi àdhàdhì iwà òvè dhu tí, ndirò yà adzi ràdù m̀zè átò iwà ma m̀vè dhu tí. ¹⁵ Ìndr̀-ònzǐnga òbhòlo ka kí dhu mà, ìnzǐ ka kí kòbhòlo dhu mànà, nónzì nzá atdí dhu mà. Àkǎkǎ atdí dǒ dhu ní Kàgàwà ribhò ípir̀nga-òwútá àlě tò. ¹⁶ Ndirò kóró ale, yà ma múdhèna dhu ìfù arí f̀yó ípir̀nga ǒ, ndirò Pbàìsràyélí Kàgàwà bhà ale mànà tò ma mátina, Kàgàwà bhà màr̀ngà mà, Kàbhà ídzìnga mànà r̀kǎ ì'ì abádhí dǒ kóró.

¹⁷ Nírò kòmbí, atdí ale mà nǎkǎ nzá ndàva tsidu tdít dǒ. Obhó tí, yà ma mí'ì nà r̀dú otù-bhu ní, Yèsù-okú dò rò ma mábà.

¹⁸ Àbanǐnzó, àlě tó Ádr̀ngbǎle Yèsù Krístò bhà ídzìnga àkǎ ndi'ì nyǐ nà. Àmìnà.

Ungbòta-Ɔwátá Tó Bhǔkù

Ndrǔna: Ungbòta-Ɔwátá Tó Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngit)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 22 Feb 2024 from source files dated 29 Jan 2022

abb6c630-aaf1-5647-8172-605215e8fe12